



bibliotheken graubünden **Kantonsbibliothek**
bibliotecas grischun **Biblioteca chantunala**
biblioteche grigioni **Biblioteca cantonale**



Amt für Kultur
Uffizi da cultura
Ufficio della cultura

Urden da diever contribuzi- uns/ovras portal da medias audiovisualas

Biblioteca chantunala dal Grischun





Il portal da medias audiovisualas dal Grischun

Il portal da medias audiovisualas cuntegna inventaris audiovisuals da e davart il Grischun, che derivan da diversas collecziuns privatas ed instituziunalas. Represchentadas èn ovras cun e senza indicaziun bibliografica d'exemplars fisics e cun u senza copias digitalas.

Tut las contribuziuns dal portal da medias audiovisualas èn suttamessas al copyright. Las metadatas che figureschan en la banca da datas stattan a libra disposiziun sut la licenza da CCO.

Diever ed emprest

Ils servetschs da la biblioteca chantunala vegnan mess a quint u premettan che l'utilisadra u l'utilisader possedia ina carta da biblioteca. Mediums en la partiziun a liber access pon vegnir consultads al lieu senza carta da biblioteca. Quai vala er per l'invista da las contribuziuns/ovras dal portal da medias audiovisualas a las staziuns da consultaziun previsas per quest intent entaifer la biblioteca chantunala.

Medias cun dretgs d'utilisaziun da la biblioteca chantunala pon vegnir consultadas sur in streaming sin la banca da datas u pon vegnir empustadas sin in purtader da datas da la biblioteca. Las medias na dastgan betg vegnir copiadadas, publicadas u dadas vinavant. Il purtader da datas sto vegnir restitui a la biblioteca chantunala.

Per l'emprest e per eventualas preschentaziuns da las ovras dal portal da medias audiovisualas dal Grischun stat a disposiziun in formular.

L'invista da las medias originalas è pussaivla mo en cas excepziunals e cun la permissiun da la direcziun da la biblioteca.

Indicaziun bibliografica: Mintga diever da medias dal portal da medias audiovisualas sto esser muni cun ina indicaziun da la funtauna: "Portal da medias audiovisualas dal Grischun / nr. AVGR" u permalink.

Dretgs da terzas personas / responsabilidad

Las contribuziuns dal portal da medias audiovisualas èn suttamessas al copyright. Igl è scumandà da copiar u da dar vinavant contribuziuns/ovras u extracts da talas sin purtaders da datas.

Reproducziuns da contribuziuns/ovras pon vegnir fatgas e consegnadas mo, sche la biblioteca chantunala posseda ils dretgs d'utilisaziun correspundents.

La responsabilidad da la biblioteca chantunala vegn esclusa. Particularmain vegn esclusa la responsabilidad per donns tras purtaders da datas audiovisualas emprestads (urden da diever art. 12).

Dretgs da terzas personas: La biblioteca chantunala dal Grischun na stat betg buna per la violaziun dals dretgs persunals da personas fotografadas. Las utilisadras ed ils utilisaders èn obligads da dumandar il consentiment da las personas fotografadas avant che duvrar la fotografia.

Per sclerir e per dumandar ils dretgs d'utilisaziun è responsabla la clienta sezza u responsabel il client sez. Personas da contact èn las societads d'utilisaziun Suisa (musica), Swissimage (ovras audiovisualas) e Swissperform (dretgs da protecziun parentads) respectivamain las auturas sezzas ed ils auturs sezs.

Igl è scumandà da duvrar il material audiovisual en moda sfalsifitganta u discriminanta.



Taxas

Carta da biblioteca per in onn/per in mais	fr. 30.- / Fr. 10.-
Copia digitala per contribuziun/ovra	fr. 8.-
Pauschala d'incumbensa	fr. 10.-
Spediziun da medias	tenor l'urden da taxas chantun Grischun: 10.- francs / pachet ulteriura Svizra: 12.- francs / medium

Il purtader da datas resta en proprietad da la biblioteca chantunala dal Grischun e sto vegnir restitui.

Dretgs da licenza per contribuziuns/ovras, da las qualas ils dretgs èn tar la biblioteca chantunala (tenor curvegna)

<i>Diever privat</i>	<i>gratuit</i>
Diever public senza entrada (preschentaziun da films en in'uniun, en ina scola e.u.v.)	gratuit
Diever commercial tras instituziuns culturalas da nonprofit	gratuit
<i>Diever commercial tras instituziuns cun finamira da rendita</i>	<i>da pajar</i>
Preschentaziun unica	fr. 30.-
Pauschala annuala per ina contribuziun pli curta che 60 minutas	fr. 150.-
Pauschala annuala per ina contribuziun pli lunga che 60 minutas	fr. 250.-
Access a datotecas d'archiv per las reutilisar	en enclegientscha cun la direcziun da la biblioteca
<i>Dretgs d'emissiun</i>	
Dretgs d'emissiun per 2 onns e per in u per tut ils emetturs	fr. 50.- / minuta
Dretgs d'emissiun per citats ch'èn pli curts che 60 secundas	gratuit